

X CONCURSU DE GAITEROS Y GAITERES MOZOS DE BIMENES

Bases

1.- Podrán tomar parte tolos concursantes que quieran, siempre a título personal. Los participantes han de tener menos de 21 años el día 30 de xunu de 2009.

2.- La propuesta d'inscripción tien de formalizase unviando per corréu postal los datos personales nuna fueya (onde constarán nome y apellíos, direición y teléfonu de contautu), amás d'una fotocopia'l DNI a:

Ayuntamiento de Bimenes
X Concurso de Gaiteros y Gaiteres Mozos
Martimporra, s/n. CP 33527 – Bimenes
(Teléfonu d'información: 985700367)

3.- El concursu va tener dos estayes: preseleición o semifinal y final, dambes abiertes al públicu. Si el número de participantes inscritos ye menor de 10, tolos participantes pasarán direutamente a la final.

Pa la preseleición o semifinal, el concursante tien d'interpretar un tema de llibre elleición.

Pa la final, de 6 participantes seleicionaos (si el número d'inscritos ye mayor de 10), el concursante tendrá d'interpretar 2 temas, ún de la llista que vien darréu y otu de llibre elleición. Les canciones han de ser interpretaes ensin añedíos nin supresiones.

- 1.- Muñeira de Remis
- 2.- Floréu de Remis
- 3.- Diana floriada de Veriña
- 4.- Fandangu puntiáu
- 5.- Muñeira Barganaz
- 6.- Xota'l Centru
- 7.- Marcha'l Tao
- 8.- Alborada'l paxarín
- 9.- Xota Pumariega
- 10.- Carretera d'Avilés
- 11.- Saltón

4.- La fecha tope pa la receición de les inscripciones ye'l día 22 de xunu a les 12:00 horas.

5.- La rellación de participantes fadráse pública'l día 23 de xunu, nun actu abiertu al públicu que se va facer na Casa Conceyu de Bimenes a les 12:00 horas. Nesti actu va sortease l'orde de participación na preseleición y / o final.

6.- La preseleición o semifinal va facese'l sábadu 27 de xunu, a partir de les 11:00 hores, na Casa la Cultura de Bimenes. Nel casu de que'l númberu de participantes seya mui altu, la preseleición continuará'l mesmu día pela tardi, a la hora qu'afite'l xuráu.

7.- La final del concursu va ser el sábadu 4 de xunetu de 2009, a les 18:30 hores, en Xenra (Bimenes), nel marcu de la XII Fiesta de la Oficialidá de la Llingua Asturiana.

8.- La non presentación o incomparecencia na preseleición o na final tendrá de ser comunicada cola másima antelación y va trayer consigo la descalificación del concursante. El concursante tendrá de presentase, como mínimo, 30 minutos enantes del entamu, tanto pa la preseleición como pa la final.

9.- Los concursantes han d'emplegar como instrumentu la gaita tradicional asturiana (d'un sólu roncón) en cualesquiera de les sos modalidaes. Tamién ye obligatoriu l'usu del traxe tradicional asturianu, anque sólo na final del concursu.

10.- Afítense los premios que vienen darréu:

1^u .- 300 € y troféu

2^u .- 200 € y troféu

3^u .- 100 € y troféu

11.- El Xuráu tará compuestu por miembros cualificaos, designaos por esti Ayuntamientu, y presidíu pol alcalde del Conceyu Bimenes o persona na que delegue.

12.- El fallu del Xuráu sedrá inapelable; asina mesmo, resérvase'l drechu a la meyor interpretación d'estes bases, a les que s'obligarán los concursantes pol fechu de formalizar la so inscripción.